

**Protocol no. 90****Sezzüda da lündeschdi, 28 favrer 2011, 20.00 – 23.00**

**Preschaints:** Jon Carl Rauch; Chasper Alexander Felix, Marianne Werro-Lehmann, e Rico Zini (protocol)

**S-chüsats:** Georg Salomon e Jachen Andri Schmidt

**Protocol**

Il protocol no. 89 da la sezzüda dals 14 favrer 2011 vain approvà.

**780 300.365 Contribuziuns e donaziuns**  
**Cuors da rumantsch per portugais**

La Lia Rumantscha, insembel cun la Confederaziun, il chantun Grischun e cun agüd dals cumüns organischesha cuors d'integrasiun soziolinguistica PIRIPIRI per persunas portugaisas. Ils cuors han gnü lö a Samedan e Zernez cun grond success. Uossa vain sport quist cuors eir a Scuol, il qual vain sustgnü dals cumüns da Ftan fin Tschlin cun fr. 2'900.--. La part da Sent s'amunta sün fr. 500.--. Il Cussagl cumünal decida da sustgnair quist proget tenor la dumonda.

**781 300.365 Contribuziuns e donaziuns**  
**Dumonda per ün sustegn finanziel per ün concert**

Il Cussagl cumünal decida da na pudair sustegner la dumonda. Per quist concert vain fingià pajà als musicists üna gascha davart da l'Ütil public. In avegnir saraja, causa il sbassamaint d'impostas decis da la radunanza cumünala, da decider negativ sün talas dumondas.

**782 830 TURISSEM**  
**Collavuraziun ESTAG – Posta**

Il capo orientescha sur da la sezzüda ch'el, e'l schef turistic hajan gnü culs rapreschantants da la Posta a regard l'avegnir da la posta da Sent. Sco 1. priorità vezza la Posta da manar inavant la posta da Sent sco agentura (eventuala collavuraziun cull' ESTSA). Sco 2. priorità vezzan els da laschar ils servezzans sco chi sun, però cun bler damain uras da fanestrigl e pür in terza lingia vain in dumonda per la Posta la varianta elavurada dal Cussagl cumünal insembel cul ESTSA suot la bachelta da la Remore SA, chi prevezzaiva üna posta culla paletta completa da sportas chi maness eir il büro d'infuormaziuns turisticas.

Plü bod o plü tard gnarà, suot il squitsch economic d'hozindi, la posta classificada sco agentura. Cul status d'agentura nu gess a perder uschè bler dal service public e cun üna collavuraziun (ESTSA) füssan garantidas a bastanza uras da fanestrigl per tuottas duos gestiuns. Che chi dvainta cullas localitats dal turissem e cul stabilimaint da la Posta ha amo da gnir scleri.

L'actuar: